

LAMPO

Marche u Scarafóne, nu juorne jètte a caccia sotto Tuóre, vicine a u sciume Tappine, che è na bóna zòna de béccacce.

Geranne pe le macchiète che štanne vèrte u Ponte ‘e Tuore, vére ca u cane ze ficchie rént’a nu cannite. Mò, datese ca ze truave scòmmere, pe z’avvicenà a u cannite, zómpa nu lemetóne e ze retróve sprufunnate là, rént’a na lama.

Próva a ‘scì da chélla jòzza e succére ca chiù ze smuvéva e chiù sprufunnave e nen tenéve manche la forza de caccia nu piére da le števale ‘e gomma, che évene remašte ‘ncullate rént’a la jòzza.

Ncumènze a tené paura Marche e ze mette a chiamà u cane. Ma la bèštia sentija, ma ‘nze smuvèa pecché štèa puntanne la béccaccia.

Marche, ‘mpaurite, chiamava ancora chiù forte.

Z’éva sprufunnate quasce fin’a la cinta d’u cauzone, quanne u cane èsce da u cannite che la beccaccia ‘mmocche e va addò u patrón.

Mò Marche ‘nze ne frecave de la béccaccia , e dicéa a u cane: Lampe aiute..aiute..

U povere cane capètte la situazione e u vulèa aiutà, ma l’anemalucce ‘nsapèa cumme fa e ‘ncumènze pur’isse a ‘ualijà.

Štènne na bóna óra a cummatte, ca Marche le vulèa fa capì de raccoglie na céppa sécca ca štèa làvvicine. Ma niènte. Sé non ché u cane a nu ciérte mumènte sènte nu passe de une che štèa passanne pe la vianóva, a na centenare ‘e mètre da u cannite. U cane piglie e corre vèrte la štrara. Z’avvicine a ‘št’ome e abbaia che insištènza. Mò u povere óme ze penzava ca u vulèa muccecà e cercava d’u scaccià. Ma u cane insistéve e ualijave cummé quante une chiane. Allóra ‘št’ome verènne l’insištènze ‘e ‘štu cane che chiagnéa ‘gualijanne, piglia e fa cénne a u cane e i’ ‘nnante.

U cane, cuntiènte ca éva štate capite, piglia e u porte jušte addò štèa u patrón.

Quišt’óme quanne vére a Marche tutte rechine ‘e jòzza, fa: E cumme scié fatte a funi ‘lloche ‘ddèntre? cèrte ca scié cacciatore fésse. Mò ‘llóche t’avéssa remané!

Po’ pigliatte nu rame gruosse e le dicètte: ‘ppiccate a ‘ssu rame!

E accusì u cacciatte fóre e che nu števale sule, pecché quill’aute éva remašte rénta a la jòzza.

E Marche ze n’avètta returnà fin’a la machena scauze e da quille juorne tutte sapèane d’u meracule che avèa fatte Lampo e de la fessaggina d’u patrón.

Tutte hanne le meraglie d’óre quante l’uommene fanne cacché bravura, ma Lampo nn’avute niènte, sule tanta “passallà!” fin’a la vicchiaia.